



ATA OFICIAL DI KUMITÉ SKULAR DI BOSTON FORSA TAREFA DI ADMISONS NA SKOLAS DI IZAMI

tersa-fera, 27 di Abril di 2021

Forsa Tarefa di Admisons na Skolas di Izami Escolar di Kunité Skular di Boston rializa um reunion rimotu na dia 27 di Abril di 2021, 17:00 na Zoom. Pa mais informason sobri qualquer di itens listados abaixo, visita <https://www.bostonpublicschools.org/esataskforce>, email feedback@bostonpublicschools.org o tchoma pa Escritório di Kunité Escolar di Boston pa (617) 635-9014.

PRIZENSA

Menbrus di Forsa Tarefa di Admisons na Skolas di Izami Prizenti: Ko-Prizidenti Michael Contompasis; Ko-Prizidenti Tanisha Sullivan; Acacia Aguirre; Simon Chernow; Matt Cregor; Tanya Freeman-Wisdom; Katherine Grassa; Zena Lum; Zoe Nagasawa; Rachel Skerritt; Rosann Tung; y Tamara Wait.

Menbrus di Forsa Tarefa di Admisons na Skolas di Izami Auzenti: Samuel Acevedo.

Pesual di BPS Prizenti: Monica Roberts, Xefi di Gabinete di Prumuson di Studanti, Família y Kumunidade; y Monica Hogan, Diretora Izikutiva Sénior di Gabinete di Dadus y Prestason di Kontas..

DOCUMENTOS APRESENTADOS

[Ajenda](#)

[Ata di Riunion: tersa-fera, 13 di Abril di 2021](#)

[Aprizentason: Izami di Admison di Skola Sikundáriu, Detroit, MI](#)

[Aprizentason: Vizon Jeral di Avaliason di Kresimentu di MAP](#)

XAMADA A ORDEN (Abertura FORMAL)

Sr. Contompasis convoca reunion pa ordena. El anuncia que estaba disponíveis serviços di interpretason simultânea na Espanhol, Krioulo Haitiano, Kabuverdiano, Vietnamita, Cantonês, Mandarim, Português, Somali, Arabe e Língua Gestual Americano (ASL); intérpretis ta apresenta es mesmo e es da instruson na se língua materno sobri modi acedi interpretason simultâneo atraves di mudança na canal Zoom.

Sra. Parvex fazi chamada. Sr. Acevedo staba auzenti. Sr^a. Tanisha Sullivan, Tamara Waite, y Dr. Freeman-Wisdom txiga logu após xamada.

APRUVASON DI ATA DI RIUNION: tersa-fera, 13 di Abril di 2021

Apruvadu– Forsa Tarefa aprova pa unanimidad di ata di reunion di Forsa Tarefa di tersa-fera, 13 di Abril di 2021 sobri Admisons a Skolas di Izami.

APRIZENTASON:

Sr^a. Kisha Verdusco, Diretora Sénior, Admisons Siletivu di Distritu Kumunitáriu di Skolas Publiku di Detroit, furnesi un vizon jeral di *Izamis di Admison a Skolas Sikundáriu na Detroit, Michigan*. É kumesa pa da un vizon jeral di distritu y é splika ma es intruduzi un novu prusesu di admison na 2018. Es prusesu ka foi intironpidu duranti Covid-19.

Prusesu di admisons ta konsisti na sigintis kritériu:

- Insaiu di 750 palavra skritu pa Alunu
- Stóriku/Bulitin Skular ki ta mostra kel dós anu letivu más risenti y, si for kazu, rilatóriu di prugresu anual ti data
- Trés referensia
- Testi di Kulokason na Ensinu Sikundáriu

Dipos di implimentason di mudansas na kandidaturas di distritu, tornandu el un prusesu kompletamenti transparenti, matrikula na skolas sikundáriu di izami aumenta signifíkativamenti. É diskrevi diferentis kritériu y forma komu es foi ponderadu. É fla ma tinha pontus di bónus pa alunus di distritu y alguns skola tinha pontus di bónus adisiunal dependendu di prosimidadi di alunus ku skola. É fla tanbe ma distritu ta oferesi un variedadi di mikanismus di apoiu, sima asistensia online, pa tilifoni y pa vidiu. És ta konduzi tanbe webinars y es ta oferesi tutoria pa alunus.

Sr. Cregor purgunta si ta izisti skolas na distritu o fora di distritu ki teni GPA's más ilevadu y si es ta peza notas di forma diferenti di diferentis tipu di skolas. Sr^a. Verdusco fla ma es ka ta fazi nada di diferenti, y é akrisenta ma tudu ta rizolvi ku pontuasons di testis, un ves ki alunus di skolas ku GPA's más ilevadu ten tendensia a ten pontuasons más baxu na testis y insaius.

Sr^a. Skerritt kria sabeba más sobri avaliasion ki alunus ta fazi. Sr^a. Verdusco fla ma era un testi kronometradu di multiplu skodja ki ta abranji várius asuntu.

Sr. Chernow purgunta sobri divizion di bairu y na kantu skola un alunu pudia kandidataba. Sr^a. Verduco fla ma alunus podi kandidata a sinku skola.

Sr. Contompasis kria pes sklareseba el si alunus ki ka era rizidenti na sidadi pudia kandidataba a skolas di izami, y é kria tanbe sabi más sobri preparason pa insaius. Sr^a. Verduco splika ma un alunu di fora di distritu pudia kandidataba ma ki é ka ta bai risebeba pontu bónus sima algen di distritu. É fla tanbe ma distritu da más pezu a insaius pa sis kontiudu y nau tantu pa sis strutura.

Sr. Contompasis purgunta si tinha un unidadi di avaliasion ta trabadja na prusesu di admisons na distritu. Sr^a. Verduco fla ma tinha un ikipa di admisons, alujadu dentu di Gabinete di matrikulas, asin komu admisons siletivu na distritu ta trabadja na prusesu di admisons. É fla ma es ta trabadja tanbe ku otus dipartamentu dentu di distritu, sima dipartamentu di avaliasion, Gabinete di Investigason, y servisu di konsilheru di orientason.

Sr^a. Tung kria sabeba u kantu ki skolas sikundáriu siletivu é riprezentativu di diversidadi di Detroit K-8, y si es ta odja alguns skolas di alimentason ku taxas más ilevadu di sileson n askolas di izami. Sr^a. Verduco fla ma skolas ta rifleti korpu studentil di forma rasial ma nau sosio-ikunómiku.

Sr^a. Tung tanbe kria sabeba si algen tinha odjadu pa forma komu rizultadus di testi era priditivu di dizenpenhu di ensinu sikundáriu pa rasa o pa statutu sosio-ikunómiku y si tinha un industria pa preparason di testi konstruidu en tornu di testi. Sr^a. Verduco fla ma testi foi oferese pa skolas privadu na ária y ma inda ka tinha un industria di preparason pa testi. É lenbra Forsa Tarefa, m akeli era apenas sis sigundu anu di utilizason di testi y ma distritu ainda staba ta avalia rizultadus.

Sr^a. Lum purgunta sobri insaiu y rasiusiniu subjasenti, inkluindu un aspetu kualitativu na prusesu di kandidatura. Sr^a. Verduco splika ma, pa si speriensia, ter un aspetu kualitativu tevi un inpaktu spesialmenti duranti prusesu di pitison. É splika inda, ma alunus ki ka konsigi un lugar, tevi oportunidadi di fazi un pitison y ma skolas ta bai analizaba kandidaturas, purtantu aspetu kualitativu ten un inpaktu na desizons ki skolas ta toma.

Sr^a. Hogan y Sr^a. Roberts furnesi un vizon jeral di *NAvaliasion di Kresimentu di MAP di NWEA*. Sr^a. Roberts splika prusesu di sileson di testi pa kumité risponsável. É mensiona alguns di karakteristikas ki kumité tinha izaminadu, pur izenplu komu é un testi adaptativu a konputador pur isu individualizadu pa alunu é sen limiti di tenpu y di skodja multiplu. Es testi é tanbe utilizadu komu un testi furmativu na Boston Public Schools y é sta alinhadu ku Struturas Kurikular di Massachusetts. Testi Map é pa ser utilizadu ku diversus alunu. En partikular, ta izisti un prusesu di vizon tendensiozu ki ta analiza tantu sensibilidadi komu ikuidadi. Ta inklui tanbe várius akumuladon integradu pa Alunus di Inglés y alunus ku difisiensia.

Sr^a. Hogan da un vizon jeral di testi en si. É splika modi ki rizultadus é rilatadu y kuzé ki ta signifika ma é un testi adaptativu. É mensiona ma ouvi un studu di investigason ligandu MCAS ku avaliasion di kresimentu di MAP di NWEA pa djuda ta intendi relason. É fla tanbe ma MAP foi intruduzidu na Anu Letivu 2020 na Boston Public Schools komu un avaliasion furmativu.

Sr^a. Sullivan purgunta si Kresimentu di MAP staba dispunivel na otus lingua pa alen di Inglés y Spanhol. Sr^a. Roberts fla, ma pur inkuantu, staba dispunivel so na Inglés y Spanhol.

Sr^a. Sullivan tanbe purgunta sobri konpuzison di kumité ki rivé y skodji avaliasion. Sr^a. Roberts splika ma era un prusesu na dos etapa: primeru kumité ki tinha dizenvolvídu Pididu di Pruposta (RFP), ta inklui ba pesual di Gabinete di Dadus y Avaliasion, di Gabinete di Lakunas di Oportunidadi, Gabinete di Prumuson di Studenti, Família & Kumunidadi, asin komu un superintendenti akadémiku. Prusesu di avaliasion kontá tanbe ku pesual di Boston Public Schools. Sr^a. Roberts splika modi ki RFP ta funksionaba y modi ki ka era un prusesu publiku.

Sr^a. Sullivan kria sabeba más sobri rivizon di prikonseitus y tanbe sabi ki tipu di rivizon ki ta fazedu pa prikonseitu di jéneru, sosio-ikunómiku, rasial y étniku na avaliasion. Sr^a. Roberts splika ma oras ki ta rifiridu a kuidadi nes kontestu, ta trata di garanti ma es sa ta avalia alunos apenas ku bazi na kunhisimentu kes divia ter konsigidu adikiri na sala di aula. Sensibilidadi ten a ver ku kuzas nun testi ki podi distrai alunu duranti dikurer di testi. Sr^a. Roberts indika ma é tinha ki obten más infurmasons sobri prusesu di parsialidadi, ma si intendimentu era ki NWEA teni pesual internu ta trabadja ku peritus esternu. Es ta prokura djobi si es sta alinhadu ku struturas kurikular y tanbe ku presizon y validadi di kes testi.

Sr^a. Tung pidi rilatóriu tékniku ki NWEA skrebi sobri análizi di parsialidadi y sobri funsiunamentu di itens diferencial, studus di validadi di privizibilidadi, y kópia di studu di ligason di MAP di MCAS. É kistiona tanbe kuzé ki testi MAP ta furnesi ki MCAS ka ta. Sr^a. Hogan splika ma MCAS ka era un avaliasion adaptativu y é ka ta bai furnesi a un instrutor infurmasons más aprufundadu sobri undi foka komo avaliasion di MAP ta bai fazi. Alen disu, si es bai uzaba MCAS, es tinha inda ki fazeba un avaliasion pa alunos ki ka ta utiliza MCAS.

Sr^a. Roberts infatiza ma prinsipal rason pa ka uza MCAS komu avaliasion foi ki nen tudu alunu na Massachusetts ta setaba el, y distritu tinha ki dimonstraba un alinhamentu entri MCAS y avaliasion pa alunos ki ka ta frikuentaba BPS.

Sr^a. Sullivan fla ma si ouvesi ikivalensia entri dos avaliasion, é ta bai tinha un duvida sobri kual avaliasion podia ser uzadu y divia ser uzadu.

Sr. Contompasis akrisenta ma menbrus ka tinha obidu ta papiadu di NWEA, ma é ta speraba mes podia kunpanhaba ku purguntas y ten rispostas aprupriadu. É fla ma menbrus podia djobeba na site di NWEA rispostas pa alguns purgunta. É akrisenta inda, ma si Forsa Tarefa inumeraba sis priokupason podia ten influensia na disizon di NWEA di djunta a Forsa Tarefa nun prósimu riunion.

Sr^a. Sullivan splika ma NWEA foi konvidadu a sta prizenti na riunion ma é rikuza. É manifesta si priokupason y desepson sobri es asuntu. É fla ma é ta speraba ma es ta rikonsideraba y es ta disidiba partilha ku Forsa Tarefa di manera transparenti.

Sr. Chernow kria sabeba más sobri rivizon di prikonseitus na testis. Sr^a. Hogan splika kela ku un izenplu di un MCAS di anus antirior.

Sr^a. Skerritt sujiri ki Forsa Tarefa tivesi en konsiderason épuka di anu ki MCAS y MAP é dadu, y diferensa entri algu ki sa ta ser utilizadu pa ilejibilidadi o pa klasifika alunos, un ves ki é ka tinha

serteza ma tinha gradason sufisienti nun izami MCAS, a fin di diferensiadu alen di un nivel báziku di profisiensia.

KUMENTÁRIU DI PUBLIKU EN JERAL

- Tiffany Luo, rizidenti na Allston, alunu di Boston Latin School (BLS), y menbru di Boston Student Advisory Council (BSAC), tistimunha a favor di diversifikason di skolas di izami.
- Federico Rollo, rizidenti na Allston, Boston Latin Academy (BLA), es-alunu di 2019, tistimunha a favor di avaliason di kresimentu di MAP.
- Rosalba Schino, rizidenti na Downtown, mai di BLS, tistimunha kontra un mudansa ki ka ta inkluiba un izami y a favor di un idukason di kualidadi pa tudu alunu.

KUMENTÁRIUS FINAL

Sr^a. Sullivan lenbra menbrus di Forsa Tarefa ma es sa ta bai kumesaba ta fazi tranzison pa konsebi suluson prupostu pa Kumité Skular. É pidi menbrus pa pensaba na dadus ki es ta gostaba di odjaba, si es kizesi más infurmason sobri diterminadus kritériu o kualker infurmason kes ta konsideraba util pa Forsa Tarefa es divia sulisita-l. É anunsia ma na Maiu, Forsa Tarefa ta bai kumesaba ta riuni dos ves pa semana. Sis objetivu era furnesi un rikumendason pa Kumité Skular, ti fin di Maiu.

Sr^a. Tung pidi pa odja pulitika di admisons tenpuráriu a ser aplikadu en termus di konvitis pa kada un di trés skolas di izami pa sosio-ikonumia, jéneru y rasa. Sr^a. Sullian fla ma inda es ka tinha infurmason dispunivel. Sr^a. Roberts splika ma distritu staba pruntu pa invia konvitis, ma es staba ta trabadja ku ikipa juridiku y ta aguarda prusesu di rikursu.

Sr^a. Nagasawa y Sr. Chernow konbida menbrus y publiku pa Seson di Eskuta di Alunus na dia 1 di Maiu..

Sr^a. Lum purgunta ki kumunikadu tinha sidu imitidu pa pais ki sa ta aguardaba konvitis di skolas pa izamis. Sr^a. Roberts fla ma distritu invia kartas pa pais, ta indika ma es ta speraba inviaba konvitis pa kualker lugar, entri miadus y final di Abril. Sr^a. Sullivan akrisenta ma é inportanti sta sienti ma ta izisti familias y alunus ta aguarda kes disizon ansiozamenti. É fla ma ten nesesidadi di rikunhesi ma tribunal distrital papia y familias meresi sabi y ma distritu mesti aji. Sr. Contompasis akrisenta ma es mensajen debi ser ripasadu pa Superintendententi, ku insistensia pes kunpri kronograma ki es stabelesi, ki ta tirminaba es semana.

INSERAMENTU

Pa volta di 19:07, Kumité vota pa unanimidadi, pa xamada numinal, inseramentu di riunion.

Riunion Rimotu di Forsa Tarefa di Admisons na Skolas di Izami
Zoom
tersa-fera, 27 di Abril di 2021

Atestadu:

A handwritten signature in black ink, appearing to read 'Lena Parvex', written in a cursive style.

Lena Parvex
Asistenti Administrativu